

OPĆI USLOVI

POSLOVANJA UNICREDIT
LEASING D.O.O.

PODRUŽNICA Banja Luka
S FIZIČKIM OSOBAMA NA
PODRUČJU REPUBLIKE
SRPSKE

I. UVOD

Općim uslovima poslovanja UniCredit Leasing d.o.o., Podružnica Banja Luka s fizičkim osobama na području Republike Srpske (u daljnjem tekstu: Opći uvjeti poslovanja), utvrđuju se:

1. standardni uvjeti poslovanja koje UniCredit Leasing d.o.o., Podružnica Banja Luka (u daljnjem tekstu: Davalac lizinga) primjenjuje na fizičke osobe – koje stupaju u odnos s Davaocem lizinga kroz Podružnicu Banja Luka, a radi korištenja usluga u svrhe koje nisu namijenjene njegovoj poslovnoj ili drugoj komercijalnoj djelatnosti - korisnike njenih usluga (u daljnjem tekstu: Primaocem lizinga),
2. uvjeti za uspostavu odnosa između Primaoca lizinga i Davaoca lizinga i postupak komunikacije između njih,
3. uvjeti za obavljanje poslovanja između Primaoca lizinga i Davaoca lizinga.

II. OPĆE ODREDBE

1. DEFINICIJE I SKRAĆENICE

U Općim uvjetima poslovanja određeni pojmovi imaju značenje u smislu kako je nevedeno:

- **Akti Davaoca lizinga** u smislu odredbi Općih uslova poslovanja, su dokumenti i odluke koje po propisanoj proceduri donose nadležni organi Davaoca lizinga i koja su Primaocu lizinga dostupna (u poslovnim prostorijama Davaoca lizinga ili na internet stranici), a uređuju prava, ovlaštenja i obaveze Primaoca lizinga, svih ostalih lica koja preuzimaju prava i obaveze prema Davaocu lizinga, kao i samog Davaoca lizinga.
- **Klijenti Davaoca lizinga** na koje se odnose ovi Opći uslovi poslovanja su fizička lica koja stupaju u odnos sa Davaocem lizinga radi korištenja usluga finansijskog lizinga u svrhe koje nisu namijenjene njegovoj poslovnoj ili drugoj komercijalnoj djelatnosti.
- **Lizing usluge** su usluge koje vrši Davalac lizinga po odredbama važećih zakona, a koje su predviđene da ih Davalac lizinga može obavljati.
- **Poslovni odnos** je odnos između Davaoca lizinga i Primaoca lizinga , zasnovan radi pružanja usluga lizinga
- **Reklamacija** je lična, telefonska, pismena ili na drugačiji način data izjava neslaganja sa određenom aktivnošću Davaoca lizinga.
- **Prigovor** je formalna izjava Primaoca lizinga upućena Davaocu lizinga, kojom Primaocem lizinga izražava neslaganje sa bilo kojom radnjom Davaoca lizinga, kada smatra da su njegova prava na bilo koji način povrijeđena.
- **Finansijski lizing** je pravni posao u kome Davalac lizinga: a) sa isporučiocem predmeta lizinga koga je odredio primaocem lizinga zaključuje ugovor o isporuci na osnovu kojeg stiče pravo svojine nad predmetom lizinga, prema specifikaciji primaoca lizinga i pod uslovima koje, ukoliko se odnose na interese primaoca lizinga, odobrava primaocem lizinga, b) sa primaocem lizinga zaključuje ugovor o finansijskom lizingu kojim se obavezuje da na primaoca lizinga prenese ovlašćenje držanja i korišćenja predmeta lizinga na ugovoreno vrijeme, a primaocem lizinga se obavezuje da mu za to plaća ugovorenu lizing naknadu, c) lizing naknadu utvrđuje na osnovu amortizacije cjeline ili najbitnijeg dijela vrijednosti predmeta lizinga.
- **Lizing naknada** je novčani iznos koji u ratama plaća primaocem lizinga za držanje i korišćenje predmeta lizinga.
- **Predmet lizinga** je pokretna i nepotrošna stvar ili nepokretna stvar u skladu sa propisima kojima se uređuju stvarna prava.

1.2. Skraćenice

Davalac lizinga – UniCredit Leasing d.o.o, Podružnica Banja Luka

Opći uslovi poslovanja – Opći uslovi poslovanja UniCredit Leasing d.o.o., Podružnica Banja Luka s fizičkim osobama na području Republike Srpske.

2. STANDARDNI USLOVI POSLOVANJA DAVAOCA LIZINGA

2.1. Opće odredbe

2.1.1. Općim uslovima poslovanja Davalac lizinga osigurava pravičan odnos prema Primaocu lizinga i primjenu dobrih poslovnih običaja, te postupa s profesionalnom pažnjom u odnosu s Primaocem lizinga, a u skladu s pozitivnim pravnim propisima i važećim aktima Davaoca lizinga.

2.1.2. Osnova svih poslovnih odnosa između Davaoca lizinga i Primaoca lizinga je uzajamno povjerenje.

2.1.3. Davalac lizinga će Opće uslove poslovanja učiniti dostupnim Primaocu lizinga, objavljivanjem istih u poslovnim prostorijama Društva, te na taj način osigurati da se Primalac lizinga upozna s Općim uslovima poslovanja.

2.1.4. Odredbe Općih uslova poslovanja važe u mjeri u kojoj nisu drugačije formulirane u drugim uslugama Davaoca lizinga, koje zahtijevaju posebne uslove. Davalac lizinga preuzima obavezu prema Primaocima lizinga samo u okviru Općih uslova poslovanja, osim ako suprotno nije izričito ugovoreno u pisanoj formi. Opći uslovi poslovanja primjenjuju se na odnose između Primalaca lizinga i Davaoca lizinga po osnovu: ponude, zahtjeva ili druge vrste dokumenta potpisane od strane Primaoca lizinga, pisanog ugovora između Primaoca lizinga i Davaoca lizinga, drugih oblika poslovne suradnje između Primaoca lizinga i Davaoca lizinga gdje se ne zaključuje ugovor u skladu s propisima i aktima Davaoca lizinga.

2.1.5. Pored Općih uslova za određene proizvode, Davalac lizinga može sačiniti i posebne uslove za konkretan proizvod tj. uslugu Davaoca lizinga, a koji također predstavljaju sastavni dio ugovornog odnosa Davaoca lizinga i Primaoca lizinga. U slučaju da su određena pitanja drugačije regulisana posebnim uslovima u odnosu na Opće uslove poslovanja, prednost u primjeni imaju posebni uslovi.

2.1.6. U slučaju nesaglasnosti jedne ili više odredbi ugovora koje Davalac lizinga zaključuje s Primaocem lizinga i ovih Općih uslova poslovanja, primjenjuju se odredbe ugovora.

2.1.7. Odredbe Općih uslova poslovanja imat će prednost u primjeni i u odnosu na određene zakonske propise koji reguliraju obvezne i druge odnose, ali pod uslovom da iste nisu imperativne prirode.

2.2. Proizvodi i usluge

2.2.1. Davaoc lizinga Primaocima lizinga stavlja na raspolaganje usluge finansijskog lizinga novih i polovnih vozila. Ovaj način finansiranja predstavlja poseban oblik finansiranja kupovine, gdje Davalac lizinga kupuje predmet lizinga po izboru Primaoca lizinga i predaje mu ga na upotrebu. Vlasništvo na Predmetu lizinga se na Primaoca lizinga prenosi plaćanjem posljednje rate i svih ostalih obaveza vezanih za ugovor.

2.3. Poslovna tajna i zaštita podataka

2.3.1. Davalac lizinga će striktno štiti tajnost transakcija i usluga koje pruža kao i podatke o Primaocu lizinga i s njim povezanim osobama u skladu s važećim zakonima, međunarodnom praksom i drugim propisima.

2.3.2. Primalac lizinga ima pravo, u skladu sa Zakonom o zaštiti ličnih podataka, svoj pristanak pisano opozvati i u tom slučaju dužan je da Davaocu lizinga nadoknadi eventualne opravdane troškove i štetu, u skladu s propisima koji uređuju odgovornost za štetu.

2.3.3. Potpisom Ugovora o lizingu Primaoc lizinga izričito daje saglasnost da sve njegove informacije iz Ugovoru o lizingu, kao i sve informacije koje je dao na raspolaganje u vezi sa tim (uključujući informacije vezane za grupu kojoj pripada Klijent budu obrađene od strane Davaoca lizinga putem elektronske obrade podataka. Dalje Primaoc lizinga se ovim izričito slaže da Davalac lizinga može po svojoj odluci prenijeti takve informacije UniCredit Bank ili bilo kom drugom članu grupe UniCredit grupe - naročito radi ekonomske procjene i refinansiranja ugovora o lizingu – i da banke/članovi mogu obrađivati te informacije putem elektronske obrade podataka. Pristanak Primaoca lizinga se također odnosi na prenos takvih podataka u inostranstvo. Primalac lizinga potvrđuje da ima pravo da dâ takvo odobrenje imajući također u vidu sve relevantne kompanije grupe kojoj Primalac lizinga pripada.

Također, Primalac lizinga ovim oslobađa UniCredit Bank i sve ostale članove UniCredit grupe njihove obaveze o čuvanju bankarske tajne i o tajnosti podataka u mjeri u kojoj je potrebno za ekonomsku procjenu ovog Ugovora o lizingu, kao i Primaoca lizinga i grupe kojoj pripada. Prema tome, takve banke/članovi su izričito ovlašteni da objave i elektronski prenesu Davaocu lizinga sve raspoložive informacije vezane za Primaoca lizinga i grupu kojoj pripada potvrđuje da ima prava da da ovakvu izjavu također u vezi sa svim relevantnim kompanijama grupe kojoj pripada Primalac lizinga. Klijent u skladu sa članom 5. stavom 2. Zakona o zaštiti ličnih podataka (Službeni glasnik BiH, broj 49/06 i 76/11) daje svoju izričitu saglasnost Davaocu lizinga da putem svog ovlaštenog zaposlenika može pristupiti ličnim podacima iz evidencije prebivališta i boravišta državljana BiH i evidencije registra motornih vozila i dokumenata za registraciju pri Agenciji za identifikaciona dokumenta, evidenciju i razmjenu podataka BiH za potrebe svog redovnog poslovanja, a u svrhu provjere podataka za zasnivanje ugovornog odnosa i realizaciju ugovora u periodu od potpisa saglasnosti do izmirenja cjelokupnog dugovanja po ugovoru kao i saglasnost za pristup podacima u Centralnom registru kredita pri Centralnoj banci BiH te LRC kreditnom birou o svim njegovim zaduženjima kod drugih finansijskih institucija u BiH.

2.4. Ovlaštene osobe

2.4.1. Primalac lizinga može ovlastiti drugu osobu da u njegovo ime i za njegov račun zaključi ugovor o finansijskom lizingu i prateće akte, u tom slučaju Davaoc lizinga utvrđuje identitet ovlaštene osobe i zaključuje ugovor na osnovu ovlaštenja koje je ovjerilo nadležno tijelo i koje ne može biti starije od 6 mjeseci.

2.4.2. U slučaju bilo koje izmjene ili dopune ovlaštenja za raspolaganje predmetom lizinga, kao što je promjena imena ovlaštene osobe (npr. zbog stupanja u brak), promjena prebivališta ili promjena bilo koje druge činjenice od značaja za odnos Primaoca lizinga s Davaocem lizinga, Primaoc lizinga mora Davaoca lizinga bez odlaganja i izričito obavijestiti pisanim putem o takvoj izmjeni.

2.4.3. Davaoc lizinga će zahtijevati od Primaoca lizinga da podnese na uvid ovjerene kopije i/ili originale dokumenata kojima se dokazuju gore navedeni podaci (npr. lična karta, pasoš itd.)

2.4.4. Izmjene i dopune podataka će biti pravno obvezujuće za Davaoca lizinga tek od trenutka primitka istih u vidu pisanog obavještenja u prostorije Davaoca lizinga.

2.4.5. Sva obavještenja, zahtjevi, potraživanja ili druga komunikacija u skladu sa Ugovorom o lizingu moraju biti na bosanskom/hrvatskom/srpskom i/ili engleskom jeziku i moraju se slati poštom ili faksom na adrese ugovornih strana navedene na prvoj stranici Ugovora o lizingu. Bilo kakva promjena adrese mora se odmah dostaviti drugoj strani u roku od najviše 5 (pet) dana od datuma promjene.

Obavještenja, zahtjevi, potraživanja ili bilo koja druga komunikacija biće punovažni jedino ako su poslani na adresu koja je posljednja naznačena dok se ne primi obavještenje o promjeni adrese.

2.4.5. Prava i obaveze strana iz Ugovora o lizingu prelaze na njihove pravne sljednike. U skladu sa važećim propisima Bosne i Hercegovine, Davaoc lizinga ima pravo da prenese sva ili jedan dio prava Davaoca lizinga prema Ugovoru o lizingu na bilo koju treću stranu bez saglasnosti Primaoca lizinga. Prava i obaveze Primaoca lizinga prema Ugovoru o lizingu, neće biti umanjeni takvim prenosom, a naročito njegovo pravo na korištenje Predmeta lizinga.

2.5. Pregovaračka faza

2.5.1. Davaoc lizinga u pregovaračkoj fazi informira Primaoca lizinga o svim bitnim karakteristikama usluge koju nudi u obliku standardnog informacijskog lista na reprezentativnom i personaliziranom primjeru usluge, u pisanoj formi ili elektroničkom obliku.

2.5.2. Davaoc lizinga pruža informacije i odgovarajuća objašnjenja o uvjetima koji se odnose na ugovor o finansijskom lizingu na način koji će Primaocu lizinga omogućiti da usporedi ponude različitih davatelja istih usluga i procijeni je li ugovor odgovara njegovim potrebama i finansijskoj situaciji.

2.5.3. Davaoc lizinga će Primaocu lizinga koji namjerava da s njim zaključi određen ugovor, na njegov zahtjev, bez naknade dati tekst nacrtu tog ugovora.

2.6. Procjena kreditne sposobnosti Klijenta

2.6.1. Prije potpisivanja ugovora o finansijskom lizingu, Davaoc lizinga je u obvezi procijeniti kreditnu sposobnost Primaoca lizinga na osnovu podataka koje dobije od njega i na osnovu uvida u bazu podataka o zaduženosti Primaoca lizinga, koji je izvršen uz njegovu pisanu suglasnost.

2.6.2. Davaoc lizinga slobodno odlučuje o izboru Primalaca lizinga u skladu s važećim propisima i svojim internim aktima, što uključuje i diskreciono pravo da odbije zaključivanje ugovora, odnosno pružanje usluge Primaocu lizinga.

2.7. Identifikacija Klijenta

2.7.1. Davaoc lizinga prije, tokom ili nakon obavljanja transakcije ili uspostave poslovnog odnosa s Primaocem lizinga poduzima zakonom propisane radnje i mjere za sprječavanje i otkrivanje pranja novca i financiranje terorizma, uključujući i radnje i mjere identifikacije i praćenja poslovanja Primaoca lizinga pribavljanjem propisanih podataka i dokumentacije.

2.7.2. Primalac lizinga je obvezan Davaocu lizinga dostaviti potrebnu dokumentaciju prije uspostave bilo kakvog poslovnog odnosa.

2.7.3. Davaoc lizinga ima pravo, u slučaju da podnijeta dokumentacije nije u skladu sa zahtjevom Davaoca lizinga, kao i na osnovu ocjene nadležnih službi Davaoca lizinga i odluka njenih organa, slobodno izvršiti izbor Klijenta s kojim će stupiti u poslovne odnose, što uključuje i diskreciono pravo Davaoca lizinga da odbije uspostavu poslovnog odnosa, kao i izvršenje transakcije, a ako je poslovni odnos s Klijentom već uspostavljen, Davaoc lizinga će ga raskinuti bez saglasnosti Primaoca lizinga.

2.7.4. Davaoc lizinga osigurava da Primalac lizinga bude obaviješten o vrsti, sadržaju i načinu podnošenja dokumenata (original, kopijai sl.) kao i starosti dokumenta, načinu ovjere i ostalim bitnim elementima koje mora sadržavati dokumentacija čije je podnošenje obvezno prema propisima koji uređuju sprječavanje i otkrivanje pranja novca i financiranja terorizma.

2.7.5. Pored propisane dokumentacije, Davaoc lizinga zadržava pravo da od Primaoca lizinga zahtijeva i dodatnu dokumentaciju i informacije kao uvjet za uspostavu poslovne saradnje.

2.7.6. Davaoc lizinga ima pravo, iz razloga poduzimanja zakonom propisanih radnji i mjera za sprječavanje i otkrivanje pranja novca i finansiranje terorizma, odložiti ili odbiti pružanje usluga i/ili proizvoda i izvršenje transakcije po nalogu ili za račun Primaoca lizinga.

3. UVJETI ZA USPOSTAVU ODNOSA IZMEĐU PRIMAOCA I DAVAOCA LIZINGA

3.1. Poslovanje između Primaoca lizinga i Davaoca lizinga

3.1.1. Poslovanje između Primaoca lizinga i Davaoca lizinga obavlja se zaključivanjem ugovora o finansijskom lizingu.

3.1.2. Ugovor između Primaoca lizinga i Davaoca lizinga zaključuje se u pisanoj formi. Svaka ugovorna strana zadržava svoj primjerak.

3.1.3. Obvezni elementi ugovora o lizingu refinisani su Zakonom o lizingu Republike Srpske, Zakonom o bankama Republike Srpske i Zakonom o obligacionim odnosima i bit će sadržani u nacrtu teksta ugovora, odnosno konkretnom ugovoru koji Davaoc lizinga zaključuje s Primaocem lizinga.

3.1.4. Pri zaključivanju ugovora o finansijskom lizingu Davaoc lizinga uz ugovor uručuje klijentu jedan primjerak plana otplate, a koji sadrži osnovne podatke o lizing naknadama i naknadama koji se smatraju sastavnim dijelovima ugovora. Drugi primjerak ovog plana, odnosno pregleda Davaoc lizinga zadržava u svojoj dokumentaciji.

3.1.5. Ako Klijent svoju obvezu ne ispuni u ugovorenom roku - na dospjele, a neizmirene obveze Davaoc lizinga primjenjuje kamatu po dospjeću 12% godišnje fiksna.

3.1.5. Davaoc lizinga će postupak naplate dospelih potraživanja vršiti u skladu sa pozitivno-pravnim propisima, i to na način da će Davaoc lizinga sva sredstva obezbjeđenja tretirati kao solidarna, te će postupak naplate vršiti iz svih sredstava koja su joj na raspolaganju solidarno.

3.2. Prava i obveze ugovornih strana

3.2.1. Pravo na odustajanje od zaključenog ugovora s Davaocem lizinga

3.2.1.1. Primaoc lizinga ima pravo da odustane od zaključenog Ugovora o lizingu, bez navođenja razloga za odustanak, u roku od 14 dana od dana zaključenja Ugovora. Primaoc lizinga je dužan o svojoj namjeri odustanka od Ugovora obavijestiti Davaoca lizinga u pisanoj formi pri čemu se datum prijema te obavijesti od strane Davaoca lizinga smatra datumom odustanka od Ugovora.

3.2.1.2. U slučaju odustanka Primaoca lizinga od zaključenog Ugovora o lizingu, Davalac lizinga ima pravo da zadrži naplaćeni iznos troška obrade zahtjeva za finansiranje odnosno da od Primaoca lizinga naplati trošak obrade zahtjeva ukoliko već nije naplatio u iznosu ne većem od naknade koja je ugovorena na ime troška obrade prilikom zaključenja Ugovora o lizingu.

3.2.1.3. Ukoliko Primalac lizinga odustane od zaključenog Ugovora koji je osiguran hipotekom ili zalogom Davalac lizinga ima pravo na naknadu troškova obrade zahtjeva za finansiranje i stvarnih troškova nastalih zaključenjem Ugovora.

3.2.2. Prijevremena otplata

3.2.2.1. Tokom trajanja leasinga Primaoc lizinga ima pravo izvršiti prijevremenu otplatu Predmeta lizinga uz obavezu da Davaocu lizinga najavi preporučenim pismom prijevremenu otplatu 6 mjeseci unaprijed.

3.2.2.2. Davalac lizinga ima pravo na objektivno opravdanu i ugovorenu naknadu troškova u vezi sa prijevremenom otplatom predmeta finansijskog lizinga ako je iznos prijevremene otplate u periodu od godinu dana veći od 5.000 KM.

3.2.2.3. Naknada se može ugovoriti do visine troškova nastalih zbog prijevremene otplate, a najviše do 1% iznosa ostatka duga po ugovoru o finansijskom lizingu koji se prijevremeno otplaćuje, i to ako je period između prijevremene otplate i roka ispunjenja obaveza iz ugovora o finansijskom lizingu jednak ili duži od jedne godine, a ako je ovaj period kraći, naknada ne može biti veća od 0,5% iznosa ostatka duga po ugovoru o finansijskom lizingu koji se prijevremeno otplaćuje.

3.2.3. Prigovor klijenta i druge reklamacije

3.2.3.1. Primaoc lizinga ima pravo na prigovor ako smatra da se Davalac lizinga ne pridržava odredbi zakona, uslova poslovanja i odredbi ovog Ugovora. Prigovor se dostavlja Davaocu lizinga u pismenom obliku na koji je Davalac lizinga dužan dostaviti Primaocu lizinga pismeni odgovor u roku od 30 dana od dana zaprimanja prigovora.

3.2.3.2. Ukoliko Davalac lizinga u gore navedeno roku ne dostavi pismeni odgovor na prigovor Primaoca lizinga ili Primalac lizinga nije zadovoljan dostavljenim odgovorom Davaoca lizinga u tom slučaju ima pravo da o tome pismeno obavijesti i uloži prigovor Ombudsmanu za bankarski sistem na adresu Agencija za bankarstvo Republike Srpske, Ombudsman za bankarski sistem, Vase Pelagića 11a, 78 000 Banja Luka.

4. UVJETI I NAČIN KOMUNIKACIJE

4.1. Pisana komunikacija

4.1.1. Davaoc lizinga i Primalac lizinga mogu u okviru svoje poslovne saradnje komunicirati usmeno, ali samo pisani dokumenti imaju značaj za njihove formalno-pravne i materijalne odnose.

4.1.2. Pisana komunikacija između Primaoca lizinga i Davaoca lizinga odvija se preko adrese Davaoca lizinga, odnosno njene odgovarajuće organizacijske jedinice i adrese koju je Primalac lizinga dao Davaocu lizinga.

4.1.3. Obavijest koju Davaoc lizinga uputi na posljednju adresu koju joj je Primalac lizinga dostavio smatra se uredno uručenom i smatrat će se primljenom od strane Klijenta trenutkom upućivanja na istu i to:

- ako je poslana putem faksa – na dan kada je faks poslan Primaocu lizinga što se dokazuje potvrdom o prijemu s faks uređaja,

- ako je poslana elektronskom poštom – na dan kada je elektronska poruka poslana što se dokazuje isprintanom kompjuterskom potvrdom,
- ako je poslana poštom – po isteku uobičajenog vremena neophodnog za primitak pošiljke, uključujući i slanje pošiljke na adresu treće osobe opunomoćene za prijem korespondencije u ime Primaoca lizinga, a u skladu s izričitom pisanom izjavom Primaoca lizinga predanoj Davaocu lizinga u tom smislu.

4.1.4. Davaoc lizinga ne snosi pravnu ni materijalnu odgovornost za štetu koja može nastati za Primaoca lizinga ili treće osobe zbog toga što Klijent nije primio neku obavijest Davaoca lizinga ili dopis koji je upućen na posljednju adresu o kojoj je Klijent obavijestio Davaoca lizinga.

4.2. Potvrda o pisanoj komunikaciji

4.2.1. Svaka pisana komunikacija između Klijenta i Davaoca lizinga izvršena lično i predviđena ovim Općim uslovima poslovanja, smatrat će se primljenom od strane Davaoca lizinga tek nakon što je Klijentova kopija dokumenta ovjerena pečatom Davaoca lizinga o primitku ili nakon što je izdana pisana potvrda o prijemu od strane poslovne jedinice.

4.3. Dokumenta primljena/poslana od strane davaoca lizinga

4.3.1. U slučaju dostave dokumenata Davaocu lizinga ili slanja dokumenata od strane Davaoca lizinga u skladu s nalogom Klijenta, Davaoc lizinga će s razumnom pažnjom ispitati dokumente da bi se utvrdilo jesu li u skladu s instrukcijama.

4.3.2. Davaoca lizinga ne preuzima niti može snositi odgovornost u pogledu, valjanosti ili potpunosti primljenih dokumenata, niti odgovara za štetne posljedice koje mogu proisteći u vezi s tačnim tumačenjem ili prijevodom.

4.3.3. Dokumente stranog porijekla prezentirane Davaocu lizinga kao dokaz identiteta ili ovlaštenja bit će pažljivo ispitana u pogledu njihove podobnosti u skladu sa zakonima, propisima i internim aktima Davaoca lizinga.

4.3.4. U drugim slučajevima koji su izvan okvira uspostavljenih odredbama ovog člana, Davaoc lizinga neće snositi odgovornost za štetu i gubitke koje su Klijent ili treća strana tim povodom pretrpjeli.

5. SLUČAJEVI NEIZVRŠENJA OBAVEZA

Ukoliko dođe do neizvršenja ugovornih obaveza od strane Klijenta, Davalac lizinga će imati pravo da u slučaju takvih kršenja ugovornih obaveza raskine Ugovor o lizingu, koji će odmah stupiti na snagu ili da preduzme bilo koje druge korake (kumulativno ili alternativno) radi naknade svoje štete prouzrokovane takvim raskidom ugovora u skladu sa primjenjivim zakonima, koje, po sopstvenom nahođenju smatra odgovarajućim. Naročito, bilo koji od sljedećih događaja, posebno će se smatrati neizvršenja obaveza, s tim što se neizvršenje obaveza ne ograničava na ove slučajeve: Ukoliko Primalac lizinga zakasni sa isplatom prve rate lizing naknade u cjelini ili djelimično više od 7 (sedam) dana, ili zakasni sa isplatom najmanje dvije uzastopne rate lizing naknade za duže od 7 (sedam) dana, ili jedne četvrtine sveukupnog iznosa lizing naknade, ili je iz datih okolnosti očigledno da Primalac lizinga neće isplaćivati ni preostale buduće rate lizinga (smatraće se da takav slučaj uvijek postoji ako se uz dočnu Primaoca lizinga dogodi ma koji od niže navedenih slučajeva kršenja odredbi ugovora), iako je o tome dobio obavještenje, ili Klijent kasni sa izvršenjem bilo koje svoje obaveze (koja nije obaveza plaćanja) prema Ugovoru o lizingu više od 30 (trideset) dana, ili

- Ukoliko protiv Primaoca lizinga bude pokrenut bilo koji postupak zbog njegove nesolventnosti, ili bude podnesena prijava za otvaranje stečaja, ili se pokrene postupak izvršenja nad imovinom Primaoca lizinga i takvo izvršenje ne bude obustavljeno prije aukcije, ili
- Predmet lizinga bude uništen - izuzev za slučaj dejstva više sile, izgubljen, pripojen ili zaplijenjen zbog razloga koji se ne mogu pripisati Davaocu lizinga, ili
- Ukoliko se dokaže da je bilo koja garancija ili obaveza Primaoca lizinga iz Ugovora o lizingu netačna ili nemoguća, ili
- Ukoliko bilo koja dozvola, saglasnost, registracija ili odobrenje ako se ista zahtijevaju ili su potrebni za punovažnost, izvršivost ili legalnost Ugovora o lizingu, budu povučeni, ili prestanu da važe iz bilo kog razloga, ili se kasnije propišu, a ne budu odobreni, ili
- Bilo koje obezbjeđenje plaćanja i/ili preduslovi dogovoreni u Ugovoru o lizingu oslabe u svojim dejstvima, ili čak prestanu da važe iz bilo kog razloga, ili ako Primalac lizinga ne dostavi

- zamjenske mjenice kao sredstva obezbjeđenja u roku iz pismenog obavještenja
- Ukoliko Predmet lizinga bude ustupljen trećoj strani u podlizing bez pismene saglasnosti Davaoca lizinga.

Primalac lizinga mora pismeno obavijestiti Davaoca lizinga o pojavi bilo kojeg slučaja neizvršenja obaveza, ili ukoliko postane vjerovatno da će do takve pojave doći. U slučaju raskida ugovora zbog kašnjenja sa isplatom lizing naknada Davalac lizinga je dužan obavijestiti Primaoca lizinga o namjeri raskida ugovora te mu ostaviti naknadni razumni rok za ispunjenje obaveze.

III. ZAVRŠNE ODREDBE

Uprava Društva odlukom broj 385/14 usvaja Opće uvjete poslovanja UniCredit Leasing d.o.o., Podružnica Banja Luka. Davalac lizinga zadržava pravo izmjene ovih Općih uvjeta poslovanja. Izmijenjeni Opći uvjeti poslovanja Klijentu će biti dostupni na uvid u podružnici Davaoca lizinga u Banja Luci, najkasnije 15 dana prije početka primjene istih.

Bilo kakav spor nastao iz ili u vezi s odnosom Davaoca lizinga i Klijenta pokušat će se riješiti mirnim putem i u duhu dobrih poslovnih običaja, a u slučaju sudskog spora nadležan je sud prema sjedištu Davaoca lizinga.

Opći uvjeti poslovanja UniCredit Leasing d.o.o. s fizičkim osobama na području Republike Srpske stupaju na snagu danom usvajanja od strane Uprave društva, a primjenjivat će se po isteku petnaestog dana od dana njihovog isticanja na oglasnoj ploči.

Opšti uslovi poslovanja objavljeni su u prostorijama poslovnice Banjaluka dana 02.06.2014.

Opšti uslovi stupaju na snagu dana 17.06.2014.